

ծուցեալ զազմուկ ոսակին, պատուիրեաց չմեասել ումեք 'ի Հայոց, և ինքն գրեալ զամենայն եղեալն ազդարար 'ի Կոստանդինուպօլիս, ԳՋԾ (1538) :

Սուլթան Սիւլէյման որդի Սէլիմայ արքայ Օսմանցւոց, ետ պարսպել չուրջանակի զերուսաղէմ քաղաք, որ կայր աւերեալ 'ի ժամանակէ անտի պատերազմացն Լատինաց, ապարանք խաչակիր ասպետաց, որ մինչեւ ցայս վայր կացեալ էր կանգուն. մերձ 'ի Ս. Յարութիւն, ետ քակել և կործանել զայն, զնիւթս և զքարինս նորա 'ի կիրարկանել 'ի գործ շինութեան պարսպին. կանգնեաց և հոյակապ դրունս 'ի և կողմն քաղաքին և զերկուս փոքր դրունքս, եղեալ 'ի պատշաճաւոր տեղիս վերտարութիւն 'ի բարբառ Արաբացւոց օրինակ զայս :

امر بإنشاء هذا السور المبارك مولانا السلطان المعظم والخاقان المكرم مالك الروم والعرب والعجم السلطان سليمان بن سليم خان خلد الله ملكه وسلطانه بتاريخ في ربيع الاول سنة خمسة واربعين وتسعمائة من الهجرة النبوية عليه السلام

Երևեցաւ պարիսպս հրամանաւ մեծի Սուլթանին Սիւլէյմանայ որդւոյ Սէլիմայ, որ է թագաւոր Յունաց, Արաբաց և Պարսից. պահեսցէ Աստուած զթագաւորութիւն և զիշխանութիւն նորին : Ի Րէպիլ էվվէլ ամսոյ. 'ի թուին Հիճրէթի՝ ԳՋԾ (1538) :

Ի հոյակապ շինուածոց ապարանից խաչակիր ասպետաց. մի միայն կամարն արտաքին հիւսիսային դրան՝ զերծեալ յաւերանաց. կայ մնայ ամբողջ իւր պանծալի հնութեամբ՝ իոկ այլքն հանդերձ եկեղեցեաւ Ս. Աստուածածնի թաղեալ 'ի ներքոյ աւերակաց :

Յետ ժամանակի այլազգէիք զմի մասն արարին գործարան խաղախորդաց, որ և յետոյ բարձաւ այն աղտեղութիւն միջնորդութեամբ քրիստոնէից : Եւ 'ի ժամանակի մերում յորժամ եկն յայցելութիւն Ս. Քաղաքին գահաժառանգ որդին Գուլիէլմոս կայսեր Ալմանիոյ, եցոյց նմա զայն տեղի Հիւպատոս նոցին Տօքթօր Ռօզ, որոյ զքննութիւնն արարեալ էր կանխաւ, և 'ի վերադարձին 'ի Կոստանդինուպօլիս, խնդրեաց յԱպօղիւ Ազիզ Կայսերէ Թուրս